



*Kolegij Gradskog vijeća Grada Sarajeva*

Broj: 01-GV-02-1012-1/20

Datum: 19.10.2020. godine

Kolegij Gradskog vijeća Grada Sarajeva, na svojoj 68. sjednici održanoj 19.10.2020. godine, je razmatrao:

1. Predlaganje kandidata za članove Odbora za dodjelu „Šestoaprilske nagrade Grada Sarajeva“ za 2021. godinu iz reda istaknutih javnih djelatnika

i donio sljedeći:

*ZAKLJUČAK*

Nakon rasprave i izjašnjavanja o predloženim kandidatima iz reda istaknutih javnih djelatnika usvojen je sljedeći **zaključak**:

Kolegij Gradskog vijeća kandiduje Komisiji za izbor i imenovanja Gradskog vijeća Grada Sarajeva za članove Odbora za dodjelu „Šestoaprilske nagrade Grada Sarajeva“ u 2021. godini šest kandidata iz reda istaknutih javnih djelatnika, i to: **Prof. dr. Enra Suljić, Akademik prof. dr. Džemal Najetović, Adis Arapović, Igor Baroš, Prof. dr. Samir Arnautović i Prof. dr. Mehmed Kulić.**

*PREDSJEDAVAJUĆI GRADSKOG VIJEĆA*

*Dr. Igor Gavrić, s.r.*





**Grad Sarajevo**  
**City of Sarajevo**

Bosna i Hercegovina  
Federacija Bosne i Hercegovine  
Kanton Sarajevo  
Grad Sarajevo  
**GRADSKO VIJEĆE**

*ODLUKA*  
*O IMENOVANJU ODBORA ZA DODJELU*  
*„ŠESTOAPRILSKE NAGRADE GRADA SARAJEVA“*  
*U 2021. GODINI*  
*(radni materijal)*

*Predlagač:*  
*Komisija za izbor i imenovanja*

*Obrađivač:*  
*Gradska služba za Gradsko vijeće*

*Sarajevo, oktobar 2020. godine*

**Adresa:** Hamdije Kreševljakovića 3  
71000 Sarajevo, BiH  
**Tel:** +387 33 216 659  
**Fax:** +387 33 205 874  
**Email:** gsgv@sarajevo.ba  
**Web:** gradskovijece.sarajevo.ba



Na osnovu člana 26. stav 1. tačka 2. Statuta Grada Sarajeva („Službene novine Kantona Sarajevo“, broj 34/08 – Prečišćeni tekst) i člana 12. Odluke o uslovima i načinu dodjele „Šestoaprilske nagrade Grada Sarajeva“ („Službene novine Kantona Sarajevo“, broj 28/19), Gradsko vijeće Grada Sarajeva, na sjednici \_\_ održanoj dana \_\_. \_\_. 2020. godine, donijelo je

*(radni materijal)*

**ODLUKU**  
*o imenovanju Odbora za dodjelu  
„Šestoaprilske nagrade Grada Sarajeva“ u 2021. godini*

Član 1.

Imenuje se Odbor za dodjelu “Šestoaprilske nagrade Grada Sarajeva” u 2021. godini koji čine članovi Komisije za izbor i imenovanja Gradskog vijeća Grada Sarajeva i Prof. dr. Enra Suljić, Akademik prof. dr. Džemal Najetović, Adis Arapović, Igor Baroš, Prof. dr. Samir Arnautović i Prof. dr. Mehmed Kulić.

Član 2.

Mandat članova Odbora za dodjelu “Šestoaprilske nagrade Grada Sarajeva” traje do okončanja postupka izbora dobitnika za 2021. godinu.

Član 3.

Članovi Odbora za dodjelu “Šestoaprilske nagrade Grada Sarajeva” imaju pravo na naknadu za rad u Odboru.

Visina naknade iz stava 1. ovog člana se utvrđuje na isti način kao i za ostala radna tijela Gradskog vijeća, a na prijedlog Administrativne komisije Gradskog vijeća Grada Sarajeva.

Član 4.

Ova Odluka stupa na snagu danom donošenja, a objavit će se u “Službenim novinama Kantona Sarajevo”.

*PREDSJEDAVAJUĆI GRADSKOG VIJEĆA*

*Dr. Igor Gavrić*

Broj: 01-GV-02-\_\_\_\_/20  
Sarajevo, \_\_. \_\_. 2020. godine

## OBRAZLOŽENJE

### PRAVNI OSNOV

Pravni osnov za donošenje ove odluke sadržan je u članu 26. stav 1. tačka 2. Statuta Grada Sarajeva („Službene novine Kantona Sarajevo“, broj 34/08 – Prečišćeni tekst) kojim je, između ostalog, propisano da Gradsko vijeće donosi odluke.

Pravni osnov sadržan je i u članu 12. Odluke o uslovima i načinu dodjele „Šestoaprilske nagrade Grada Sarajeva“ („Službene novine Kantona Sarajevo“, broj 28/19), kojim je, između ostalog, propisano da Gradsko vijeće imenuje Odbor za dodjelu „Šestoaprilske nagrade Grada Sarajeva“, te da Odbor čine članovi Komisije za izbor i imenovanja Gradskog vijeća Grada Sarajeva i šest istaknutih javnih djelatnika iz oblasti privrede, nauke i obrazovanja, kulture i umjetnosti, sporta, zdravstva i socijalne zaštite i drugih oblasti rada i stvaralaštva, za koje se Nagrada dodjeljuje.

### RAZLOZI DONOŠENJA

Članom 12. Odluke o uslovima i načinu dodjele „Šestoaprilske nagrade Grada Sarajeva“ propisano je da Gradsko vijeće imenuje Odbor za dodjelu „Šestoaprilske nagrade Grada Sarajeva“, kao i da Odbor čine članovi Komisije za izbor i imenovanja Gradskog vijeća i šest istaknutih javnih djelatnika iz oblasti privrede, nauke i obrazovanja, kulture i umjetnosti, sporta, zdravstva i socijalne zaštite i drugih oblasti rada i stvaralaštva, za koje se Nagrada dodjeljuje.

Kolegij Gradskog vijeća kandiduje Komisiji za izbor i imenovanja Gradskog vijeća Grada Sarajeva kandidate iz reda istaknutih javnih djelatnika.

Komisija za izbor i imenovanja Gradskog vijeća Grada Sarajeva utvrđuje Prijedlog Odluke o imenovanju Odbora za dodjelu „Šestoaprilske nagrade Grada Sarajeva“ u 2021. godini i upućuje ga Gradskom vijeću Grada Sarajeva na razmatranje.

### RJEŠENJA IZ PRIJEDLOGA

U članu 1. Prijedloga Odluke, imenuje se Odbor za dodjelu „Šestoaprilske nagrade Grada Sarajeva“ u 2021. godini.

U članu 2. Prijedloga Odluke, utvrđuje se mandat članova Odbora.

U članu 3. Prijedloga Odluke, utvrđuje se pravo na naknadu za rad članovima Odbora.

U članu 4. Prijedloga Odluke, propisuje se stupanje na snagu Odluke.

### FINANSIJSKA SREDSTVA

Sredstva za realizaciju ove Odluke planiraju se u Budžetu Grada Sarajeva u dijelu planiranja sredstava za rad radnih tijela Gradskog vijeća Grada Sarajeva, a isplaćuju se jednokratno.